

LR concretisescha sia pusiziun davart il rg

■ (mc) **Suenter differentas petiziuns e proclamaziuns en connex cun l'introducziun dal rumantsch grischun en scola han suprastanza e cussegl da la LR concretisà lur pusiziun per mauns da la Grupp rumantscha dal cussegl grond che sa raduna oz a Cuira.**

La LR tegna quint da las menziuns giustifitgadas partement dumondas anc nunschliadas en connex cun l'integraziun dal rg en scola. Ella conferma dentant la decisiun prida senza cuntervuschs a la delegada da 2002 a Casti tenor la quala il rg duai vegnir introducì uschè svelto sco pussaivel, dentant fitg bain preparà en scola. Dal chantun pretendan ins perquai in concept cumplessiv per che il rg haja bunas cundiziuns da partenza e na stoppia vegnir introducì cun sforz. La LR pretenda plinavant d'integrar commensuradamain ed a temp util tuttas gruppas d'interess pertutgadas, cunzunt la magistraglia, ils geniturs e las instituziuns culturalas.

Il concept stoppia determinar exactamain la rolla dals idioms e dal rg enstagl da discurren da substituir ils idioms cul rg. Plinavant èn suprastanza e cussegl da la LR da l'avis ch'ils temins discussiunads sco visiun a la «Maisa radunda» sajan realistcamain memia optimistic. I dovria anc blier temp per far ulteriurs pass en la standardisaziun dal rg per l'adiever da la scola e quai avant che scolar la magistraglia ed edir ils emprims meds d'instrucziun. Urgent saja d'orientar e famigliarisar la populaziun cun l'adiever dal rg. Il chantun stoppia preparar bunas materialias d'instrucziun e scolar personas sco manaders da curs. La LR punctuescha era che a l'introducziun integrala dal rg en las scolas primaras stoppian proceder models regionalis e communalis da pilot accompagnads professiunalmain. L'introducziun stoppia era tegnair quint da las differenzas sociolinguisticas en las regiuns rumantschas.